

Վ. ԹԵՆԻՍԵՐՅԱՆ

ԱՆՏԻՏԱՎՐՈՍՅԱՆ ԵՐԿՐՈՒՄ ԿԻՄՍԵՐՆԵՐԻ ՀԱՍՏԱՏՄԱՆ ՀԱՐՑԻ ՇՈՒՐՋԸ

Անտիտավրոսյան երկիրը, ինչպես հայտնի է, Գամիրք է կոչվում՝ այդ երկրամասում կիմմերների հաստատվելու պատճառով:

Միջնադարյան հայ պատմագրության մեջ Գամիրք տեղանվան տակ ձանաչվում էր Կապադովկիան և նրա ժողովուրդը: Ինչպես հայտնի է, ըստ վաղ միջնադարյան պատմագրության, յուրաքանչյուր տոհմ կամ ցեղ ներկայացվում էր մեկ անձնավորության մեջ, իսկ տեղանունները նույնպես կապվում էին տվյալ վայրերում բնակվող ժողովուրդների անունների հետ, որոնք դարձրի ընթացքում պահպանվել են իրենց մոտավոր հնչյունական կոմպլեքսով. օրինակ՝ Գամիր, Գամիրք, Գամիրան, Թեղարամա¹, Թոգարմա, Թորդոմա և այլն:

Այժմ, համաձայն ասորեստանյան արձանագրությունների, ապացուցված է, որ կիմմերների մի մասը նախ Կերչյան Բոսֆորից ներխուժել է Ուրմիո լճի արևելյան շրջանները, ապա որտեղից առաջացել է Ուրարտուի սահմանները:

Գամիրք անվան տակ ընդհանրապես հասկացվել է պատմական Կապադովկիայի ամբողջ երկրամասը, իսկ Կապադովկիայի այն մասը, որտեղ կիմմերները բնակություն էին հաստատել և որը նրանց անունով կոչվում էր Գամիրք, դեռևս մնում էր չձշտված:

Գամիրքը Անտիտավրոսյան երկրի այն մասն է, որը համարյա համաստատասխանում է հռոմեական շրջանի Կապադովկիայի տասը կուսակալություններից Կիլիկյան կուսակալությանը, որն ընդգրկում էր իր մեջ այժմյան Սևրաստիայից մինչև Կեսարիա և Հալիս գետից մինչև Մելաս գետի (Թոհմա-սու) միջև ընկած դրեթե ամբողջ երկրամասը:

Միջնադարյան հայ պատմագրության մեջ Կապադովկիայի ամբողջ երկրամասի համար Գամիրք տեղանվան գործածության այդ սխալը կարծում ենք, առաջ է եկել այն հանգամանքից, որ զանազան տիրապետությունների ընթացքում, առանց նկատի առնելու Կապադովկիայի սահմաններում տեղի ունեցած վարչական փոփոխությունները, միշտ գործ է ածվել նույն տեղանունը: Սակայն հետազայում Գամիրքը սկսել է նկատվել որպես Կապադովկիայի մի դավաար:

Գամիրքի բուն վայրը ճշտելու համար, նախքան Կապադովկիայում հնուց մնացած տեղանունների ստուգաբանությունը, քննության առարկա դարձնենք Սևրաստիայի և Կեսարիայի միջև ընկած երկրամասը, որը պարսիկների կողմից կոչվում էր Կատուասուկա: Դա մեծապես կօգնի Գամիրքի սահման-

¹ L. Delaporte, «Les Hittites», Paris, 1936, p. 97:

ները ճշտելու հարցին: Կատապատական ժողովրդական բարբառում որոշ համալուծումներով նախ դարձել է Կատուկ և ապա Կետուկ կամ Կետիկ¹:

«Կատուկ»-ի կամ «Կետիկ»-ի մասին հիշատակություն կա միջնադարյան այդ դրականության մեջ: Կիրակոս Գանձակեցին, Ղիադետին Սուլթանի և Բաշու Նուի կոիվների մասին խոսելով, հիշատակում է «Կատուկ» կոչվող մի վայր, որանեղ Ղիադետինը վրան էր խփել նախքան Կապադովկիայի Կեսարիա քաղաքը պաշարելը²:

Կատուկի կամ Կետիկի մասին հիշատակություն կա նաև Սուլթան Լուլեյ-մանի պատերազմական ուղեգրության մեջ: Այսպես, Օսմանյան կայսրության թագավորը 1534 և 1547 թթ. Պարսկաստանի դեմ մղած պատերազմների իր ուղեգրության մեջ երկու անգամ նշում է Կեսարիայի և Սեբաստիայի միջև գտնվող «Կետուկ»-ի կամ «Կետիկ»-ի մասին: «Կետուկ օվա» (Կետուկի դաշտ), Կետիկ խան³:

«Բյուրակն» հանդեսի մեջ Կետիկի մասին նույնպես կարգում ենք հետևյալը. «Կետիկ կանվանվին Կեսարիո և Սեբաստիո միջև Շարգլլայի գայմագամության՝ Գրգըլ-ըրմագի (Հալիս գետ) հարավ ընկնող գյուղերը, ուր կգտնվին հայ գյուղերը՝ Կեմերեկ, Գարապյուլ, Լիսանլը, Բուփաճ, Գայաբունար, Յափալթին: Գրգըլ-ըրմագի հյուսիս ընկնող և նույն գայմագամության վերաբերյալ մի քանի հայ գյուղեր էլ՝ Ջեպինի, Պուրհան, Տենտել, Ալաքիլիսե»⁴:

Թորոքում Գուշակյանն իր «Ճամբու վերհիշումներ» հոդվածի մեջ Գամիրքյանի մասին տակ մատնանշում է այն վայրը, որին տեղական ժողովուրդն անվանում է «Կետիկ». «Սեբաստիայեն մեկնումիս հաջորդ կեսօրին իսկ [7 նոյեմբերի] կհասնեմ Շեհեր-զլա (Շար-զլա), կենտրոնական ավանը Սվազի կենտրոնական սանձագին պատկանող Բոնուս գավառին: Այս գավառակը, որ կհամապատասխանե հին Կապադովկիա Գամիրքի սահմաններուն, կպարունակե իրը 20.000 (քսան հազար) հաշվող հոծ հայություն մը, ցրված 19 գյուղերու մեջ, որոնք են՝ Շեհեր-զլա (Շար-զլա), Բուփաճ, Գայաբունար, Յափալթուն, Կեմերեկ, Գարապյուլ, Լիսանլը, Բեքմեն, Տենտիլ, Պուրհան, Ջեպինի, Փաշագյուղ. Ղազիմադարա, Գանթարոզ, Գուրտուլ-Գայա, Փաթր, Պահարոզյու, Բեմեճիկ, Ալաքիլիսե»⁵:

Գամիրքը որպես Կապադովկիայի դավառներից մեկը՝ հիշատակված է նաև Հայսմավուրքի մեջ: «Ս. Սարգիս, Կապադովկիան Կեսարիո Գամիրք գավառից էր»:

Հ. Վ. Հակոբյանը Գամիրքի մասին անում է հետևյալ խորհրդածությունը. «Կապադովկիա կկոչվեր ի հնումն առ հայս Գամիրք, ուստի է այս անունն. — ենթադրություն մը. — Կեսարիո արևելյան կողմը կա գյուղ մը Կարմիր, Կարմրակ՝ թրքերեն՝ Կերմիր անուն. դեպի հյուսիս արևելք 9 ժամ անդին Գամրակ, թրքերեն Կեմերեկ գյուղ մը, մեծամասնությամբ հայաբնակ, իսկ Կեմերեկից ոչ

¹ Մեր կարծիքով Կատապատական բառը հետևյալ փոփոխություններով դարձել է Կատապատուկ, Կատուկ, Կատուկը և այլն: հնչյունափոխությունը դարձել է «Կետուկ», իսկ «ու»-ի հնչյունափոխությունը՝ «կետիկ»:

² Կիրակոս Գանձակեցի, Պատմություն հայոց, Թիֆլիս, 1909, էջ 266:

³ Hammer, Histoire de l'Empire ottoman Paris, 1835, հատ. 5, էջ 94, հատ. 6-րդ, էջ 451:

⁴ Բյուրակն, Կ. Պուլիս, 14-րդ հատ., 1900, էջ 660:

⁵ Թ. Գուշակյան, Բիւզանդիոն, Կ. Պուլիս, 1914, փետր. 10/23, № 5272:

սակավ հեռի կա հույն գյուղ մը, Գամիրքան, թրք. Կոմյուրկեն անվանյալ Կարմիր, Կամրակ, Գամիրքան երևոյն ի միասին չեն շխեք Կամիրք կամ Գամիրք¹։ Անշուշտ Հակոբյանի ուշադրութիւնից վրիպել է Կոմյուրկենից ոչ շատ հեռու Գոմերան, թուրքերէն Կոմյուրեն, քյուրմենաբնակ գյուղը։

Ենթադրւում է, որ վերոհիշյալ անունները «Գամիրք»-ի և «Գոմեր»-ի ածանցւած և հետագայում թուրքերէնում աղավաղւած ձևերը լինեն. օրինակ, «Գամիրք» տերմինը պարսկերէն հոգնակի «ան» ածանցով դարձել է «Գամիրքան», ինչպես շահ՝ թագավոր, շահան՝ թագավորներ. իսկ հետագայում սելջուկ թուրքերի, թուրքմենների տիրապետութեան ժամանակ՝ Գամիրքանը դարձել է Կոմյուրքեն։ Աստվածաշնչի «Գոմեր» բառը հավանաբար նույնպես «ան» ածանցով դարձել է «Գոմերան», հետագայում թուրքերէնում՝ «Կոմերեն»։

Ինչ վերաբերում է «Կեմերեկ» գյուղաքաղաքի անվան, ենթադրւում է որ դա ուղղակի հնչյունափոխութեան միջոցով «Գամիրք» տերմինի տառադարձյալ մի ձևն է։ «Կեմերեկ» տերմինը սովորաբար գրւում է երեք «ե»-ով, մինչդեռ համաձայն հայ լեզվի քերականական կանոնների, անսովոր բան է մեկ բառի մեջ երեք «ե»-ի ներկայութիւնը։ Ոմանք ենթադրում են, թե Կեմերեկ հայերէն բառ է և նշանակում է Կամարակ². (Կամար և ակ) իբր թե նա իր անունը ստացած լինի մի կամարակերտ հուշարձանից, որի տակից ակեր են բխում։ Սակայն, ըստ Թորղոմ Գուշակյանի Կեմերեկը՝ Կամարակի հայերէնի վերածելու անհաջող փորձ է։ «Կամարակ անունը, — գրում է նա, — դոր երբեմն դործածած են հայերէնի ուսուցիչներ, ընդունելութիւնն այլ չէ գտած աբղեն»³։

Ուշադրութեան արժանի է մի պարագա ևս, որ Կեմերեկի շրջակա գյուղացիներին՝ պուրհանցիները և տենտիլցիները կեմերեկցիներին կոչում էին զամրիցի փոխական կեմերեկցի, իսկ ընդհանրապես հայ դրականութեան մեջ որպէս Կեմերեկի հոմանիշ գործ են ածվել Գամիրք և Գամրակ երկու ձևերն էլ։ Երեմիա դպիր Օշականցին 1765 թ. հունիսի 8 թվակիր նվիրակութիւնների ցուցակում Կեմերեկը հիշատակում է Գեամրակ ուղղագրութեամբ⁴։

Չնայած որ վերոհիշյալ Գամրակ և Գեամրակ ձևերը նոր վկայութիւններ են, սակայն կարող են նպաստել Գամիրք անվան մեկնութեանը։

Պատմական տվյալների և տեղանունների քննութիւնը ցույց է տալիս, որ կիմներների մեծ մասը բնակութիւն է հաստատել Հալիս գետի ծունկից մինչև Մելաս գետը (Թոհմասու), իսկ որոշ մասը տարածվել է նաև մինչև վերին Եփրատի միջև ընկած երկրամասում։ Այս երկրամասը Աստվածաշնչում տեղ է գտել «Գոմեր» կամ «Գոմեր» տեղանվան տակ, որը հայ վաղ միջնադարյան դրականութեան մեջ ծանոթ է Գամիրք կամ Գամրաց աշխարհ անունով։ Մյուս կողմից պետք է նշել, որ այդ երկրամասը յոթերորդ դարի կեսերին (մ. թ. ա.) իր աշխարհագրական դիրքով երեք պետութիւնների՝ Ասորեստանի, Ուրարտուի և Փոյուզիայի, ապա Էյուդիայի միջև կազմում էր, այսպէս կոչված, մի սղատ գոտի, որտեղ միայն կարող էին պարուված կիմներները հաստատվել, և որը կիմներների պիտանքը զբաղմունքի՝ անասնապահութեան և հատկապէս ձիաբուծութեան համար կարող էր հանդիսանալ ամենահարմար վայրը։ Հաւանաբար

¹ Բիւրակն (հանդես), Կ. Պոլիս, 1899, սեպտ. 29, Զ. 38-39։

² Բնաշխարհիկ բառարան, 2-րդ հատ., էջ 387։

³ Բիւզանդիոն, Կ. Պոլիս, 1914, փետր. 10 23։

⁴ Դիվան հայոց պատմութեան, Գ., Թիֆլիս, 1894, էջ 790-800։

կան է նաև այն, որ Անտիտավրոսյան երկրում հաստատված կիմմերների ցեղապետի Շանտակչեզրու անունը սլարգասլես նշանակում է «ձիերով հարուստ»:

Կապադոկիան ինչպես այժմ, նույնպես և անցյալում, հատկապես «Նախնադույն Կիլիկիան» բարձրագավառը, այսինքն՝ Գամիրքը, հայտնի էր իր անասնաբուծությամբ, մասնավորապես իր ձիաբուծությամբ: «Կապադոկիայի իշխանները, — գրում է Ստրաբոնը, — բացի դրամական մի փոքրիկ տուրքից, յուրաքանչյուր տարի Դարեհին հայթայթում էին 1500 ձի, 2000 ջորի և 50 հազար ոչխար»¹: Մեր կարծիքով այդ տուրքի մեծագույն մասը հայթայթում էր հենց Կապադոկիայի Գամիրք գավառը: Այդ հասկանալի կլինի, եթե նկատի ունենանք մարգարեի Թորգոմի տան (Թոգ-արմա) ուղղված խոսքերը (երկրամաս, որ նույնպես գտնվում է Անտիտավրոսյան երկրում): Մարգարեն, իր խոսքը Տյուրոս քաղաքին ուղղելով ասում է. «Եւ ի տանէ Թորգոմայ ձիովք և հեծելովք և ջորւովք լցին զվաճառս քո» (Եզեկիկ Մարգարե Իէ, 15):

Մինչև մեր օրերը Սվազի (Սերաստիա) կուսակալության շորս դավառներին (սանճագ), հատկապես Սվազի գավառը հարուստ է անասուններով: Վերջապես այն երկրամասում, որ կիմմերների ցեղերն էին հաստատվել, կան նաև նյութական կուլտուրայի որոշ մնացորդներ: Այդ տեսակետից հետաքրքրական են Կեմերեկից Տ կիլոմետր հեռու՝ Կեսարիայի խճուղու մոտ, հենց Կյոմերենի (Գոմերան) և Կյոմյուրենի (Գամիրքան) հյուսիս արևմտյան կողմը, մի բարձրության վրա կողք-կողքի գտնվող հինգ հողարլուրները:

Նույնանման 30 հողարլուրներ («հյույուկներ») կան Կեսարիայի և Սերաստիայի միջև, որոնցից տասը գտնվում են Կեմերեկի շրջակայքում: Դրանցից մեկը գտնվում է Կեմերեկից Շարգչլայի ճանապարհի վրա, հենց դյուղաքաղաքի տառջ «Հյույուկի» դաշտում և ունի 15—20 մետր բարձրություն. մյուսը՝ Լիսանլու գյուղի մոտ, երկու հատ էլ Ղըզըլճաղչլայի Ղարաբունար կոչված վայրում²: Եթե ճանապարհների եզրերին առանձին հողարլուրները կարելի է ընդունել որպես դիտաբան, ինչպես Կ. Գարիկյանն է ենթադրում, ապա միմյանց կից հինգ հողարլուրները հավանաբար եղել են դերեղմանատները³, քանի որ իրենց ձևերով ավելի նմանվում են Կիմմերյան Բոսֆորի մեծ կուրգաններին:

Պատմական տվյալները և Անտիտավրոսյան երկրում սլահականված տեղանունները հիմք են տալիս ենթադրելու, որ կիմմերների մեծագույն մասը (մ. թ. ա.) 8-րդ դարի վերջերից մինչև 7-րդ դարի կեսերը ամբողջ Փոքր Ասիան ասսիատակելուց հետո բնակվել է Կապադոկիայի Անտիտավրոսի լեռնաշղթանում, որը հետագայում կոչվել է «Նախնագույն Կիլիկիա»: Ժամանակի ընթացքում, թեև կիմմերները ձուլվում են Կապադոկիայի տերիտորիայում ասլրոզդանադան ցեղերի հետ, այնուամենայնիվ մինչև վաղ միջնադարը հայերի կողմից այդ երկրամասը նրանց անունով կոչվում էր Գամիրք:

¹ Strabon, XI, 525:

² Կեմերեկի մոտ Ղարաբունարի «Ղըզըլ—ճաղչլա» կոչված վայրի հողարլուրների արտից հայտնաբերվեցին բնական մեծությամբ, կարմիր կավից թրծված ցուլի երկու արձան:

³ Կ. Գարիկյան, Եղեռնապատում, Պոստոն, 1924, էջ 123:

⁴ Տե՛ս «Բնաշխարհիկ բառարան», էջ 357: